



Broj: 01-05-35214/16 KM
Sarajevo, 24.01.2017. god.

SKUPŠTINA KANTONA SARAJEVO SARAJEVO

PREDMET: Odgovor na „Poslaničko pitanje“

U prilogu dopisa dostavljamo Vam odgovor na postavljeno poslaničko pitanje na 24. Radnoj sjednici Skupštine Kantona Sarajevo održanoj dana 28.12.2016. godine, a od strane poslanika Kemala Ademovića.

Pitanje:

„Pokrećem inicijativu da Kantonalno Ministarstvo saobraćaja i komunikacija Sarajevo poduzme potrebne aktivnosti u cilju uspostavljanja normalnog režima saobraćaja kombi-prijevoza na relaciji Latinska ćuprija – Širokaća i time konačno riješi pitanje prijevoza stanovnika Mjesne Zajednice Soukbnunar u Općini Centar, a što je gorući problem sugrađana ovog dijela navedene Mjesne Zajednice.“

Odgovor :

Ministarstvo saobraćaja Kantona Sarajevo vodi stalne aktivnosti na praćenju stanja održavanja registrovanih redova vožnje kao i poduzimanju mjera u cilju poboljšanja usluga javnog linijskog prijevoza putnika u Kantonu Sarajevo.

Da bi se trend pogoršanja nivoa komunalne usluge prijevoza putnika zaustavio neophodno je izvršiti nabavku minibusa vozila. Ministarstvo saobraćaja Kantona Sarajevo vodi postupak javne nabavke 12 minibusa vozila, a sve u skladu Zakona o javnim nabavkama (“Sl.glasnik BiH”, broj: 39/14). Pored toga da bi se stvorili uslovi za potpunu normalizaciju javnog minibusnog prijevoza putnika Ministarstvo je pokrenulo inicijativu prema svim općinama na području Kantona Sarajevo. Zatraženo je mišljenje o eventualnim mogućnostima lokalne zajednice da sufinansira nabavku vozila (minibusa) za preduzeće KJKP „GRAS“ d.o.o. Sarajevo, a sve u cilju poboljšanja usluge u javnom linijskom prijevozu putnika na području Općine a samim tim i na području Kantona Sarajevo. Općina Hadžići je finansirala nabavku jednog vozila, a Općina Stari Grad i Općina Centar su iskazale spremnost za nabavku minibusa vozila.

Takođe, Općina Stari Grad je u proteklom periodu na trasi (itinereru) linije broj 59a Latinska ćuprija – Širokaća – Komatin izvršila planirane radove na rekonstrukciji ulice Komatin. Nalaženo je prijevozniku KJKP „GRAS“ d.o.o. Sarajevo da putem svojih tehničkih službi obiđe trasu (itinerer) linije broj 59a Latinska ćuprija – Širokaća – Komatin i utvrdi da li su ispunjeni uslovi da se na pomenutoj trasi odvija bezbjedno kretanje minibus vozila, i poduzme aktivnostima za održavanje linije u skladu sa registrovanim redom vožnje.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



Ministarstvo saobraćaja Kantona Sarajevo vodi i druge aktivnosti u skladu sa zakonskim i pod zakonskim propisima, a sve u saradnji sa Upravom za inspeksijske poslove. Odredbama člana 33. "Zakona o cestovnom prijevozu Federacije BiH" propisan je način na koji se donesi rješenje o brisanju registrovanog reda vožnje. Da bi se linija brisala prijevoznicima na koje je registrovana, potreban je nalaz inspekcije cestovnog prometa. Ministar saobraćaja Kantona Sarajevo, postupajući po službenoj dužnosti a na osnovu dostavljenih zapisnika Uprave za inspeksijske poslove u predmetu poništenja registrovanog reda vožnje za liniju broj 59a Latinska ćuprija – Širokaća – Komatin donio je rješenja za brisanje iz registra redova vožnje. Federalno ministarstvo prometa i komunikacija poništilo je rješenja o brisanju iz registra redova vožnje i vratilo na ponovno postupanje.

Ministarstvo će i dalje voditi aktivnosti u skladu sa zakonskim i pod zakonskim propisima, a sve u saradnji sa Upravom za inspeksijske poslove.

S poštovanjem,

Dostaviti:

- Skupština Kantona Sarajevo
- evidencija
- arhiva



MINISTAR

Dr. sc. Mujo Fišo



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

